

第一四二冊

方輿彙編

職方典

福州府部

泉州府部

(卷)

1021—1022

1023—1024

古今圖書集成

中華書局影印

欽定古今圖書集成方輿彙編職方典

第一千四十一卷目錄

福州府部彙考九

福州府驛遞考

福州府兵制考

福州府物產考一



職方典第一千四十一卷

福州府部彙考九

福州府驛遞考

本府

府志

三山驛 在府治西南屬府不屬縣西出抵候

官芋原驛南出抵閩縣大田驛宋在城驛有五

俱廢元置東西二驛今驛即東驛也西驛明成

化七年改爲福寧道

柔遠驛 在水部門外河口進貢廠之南明初

建爲外國使臣館寓之所

總鋪 在府前

閩縣 附郭

大田驛 在縣西集里新改官路至此始會舊

路

橫山鋪 在南門外閩縣嘉崇里上接候官城

西鋪下接候官白鷺鋪原路自北而南者由橫

山江南白湖龍隊方北凡五鋪至峽江渡江由

圓屯枕峯方南梁山凡四鋪至大田驛萬曆四

十年改設官路避峽江之險從倉前橋折入候
官白鷺鋪由陽崎渡江達閩縣蒙山諸鋪至大
田驛始會舊路於是江南下八鋪俱廢今復舊
路

蒙山鋪 去縣十五里

蕭家道鋪 萬曆四十一年以陽崎路不便往

來復從南臺起二十里至吳山建一公館於鷄

母嶼置一浮橋又由鷄母嶼渡江抵蕭家道登

岸又建一公館其陽崎鋪舍仍存今復舊路由

峽江行

玉獅鋪 去縣二十里

玉山鋪 在鳬嶼以上四鋪俱新設

大田鋪 義溪鋪

尤模鋪 過此入福清界常思鋪

看守大田驛 館夫二名每名銀一十四兩八

錢

橫山等一十二鋪每鋪兵五名梁山鋪兵六名

共六十六名每名銀七兩二錢共四百七十五

兩二錢閩年每名加六錢

候官縣 附郭

芋原驛 在城西一都江邊上司使客自水口

而下者至此登驛自郡城而出者至此登舟其

陸路各鋪只走遞公文山徑險仄不便輿馬

白沙驛 在三十四都上接水口驛下抵芋原

城西鋪 在草市都

梅亭鋪 在二都

土滬鋪 在十一都
游崎鋪 在十二都
葛崎鋪 在十三都
鐵嶺鋪 在十五都以上俱舊屬懷安今併候

官

陳湖鋪 在三十五都

葉洋鋪 豐田鋪 俱在三十四都

馬坑鋪 在三十都

大嶺鋪 在三十三都

松嶺鋪 在十九都

湯池鋪 在二十三都

小箬鋪 在二十四都原屬小箬驛萬曆八年

裁革

橫路鋪 在二十五都今廢

嵩灘鋪 過此爲古田縣界

白鷺鋪 萬曆四十年改設官路始於上接閩

縣橫山鋪下抵陽崎渡江

來宜鋪 出井樓門五里

北嶺鋪 宦溪鋪

任溪鋪 板橋鋪

看守芋原驛館夫四名每名銀十兩八錢共四

十三兩二錢

城守等十五鋪每鋪兵五名來宜等五鋪每鋪

兵四名共九十五名每名銀七兩二錢共銀六

百八十四兩閩年每名加銀六錢

古田縣

水口驛 在縣南一都宋時置名嵩溪驛即太

平輿國所遷縣治故址也元改今名洪武初重建

清陽鋪 茶亭鋪 崎嶇鋪 以上

三鋪俱在七都

湯壽鋪 常嶺鋪 在水口驛上一里許

上二鋪俱一都

朱坑鋪 在常嶺鋪西十五里

秀嶺鋪 在朱坑鋪西十五里

豫陽鋪 在秀嶺鋪西十五里

谷口鋪 在豫陽鋪西十五里

竹園鋪 在谷口鋪西十五里

雲頂鋪 舊名營頂

水口驛館夫二名黃田驛館夫一名每名銀一

十兩八錢共三十二兩四錢縣前鋪兵五名漕

洋茶亭崎嶇湯壽四鋪每鋪兵三名共十七名

每名銀五兩二錢共銀八十八兩四錢閏年每

名加四錢三分三釐四毫常嶺鋪兵八名朱坑

秀嶺谷口豫陽竹園雲頂六鋪每鋪兵六名共

四十四名每名銀七兩二錢共銀三百一十六

兩八錢閏年每名加銀六錢

閩清縣

總鋪 在縣前

梅溪鋪 在縣南

眠石鋪 寔口鋪 俱在縣北

縣前鋪兵三名每名銀五兩四錢共銀十六兩

二錢閏年每名加銀四錢五分梅溪鋪兵五名

眠石鋪兵二名寔口鋪兵四名每名銀七兩二

錢共銀八十六兩四錢閏年每名加銀六錢長樂縣

總鋪 在縣西

迴橋鋪 在縣西達福清

沙逕鋪 在縣東達焦山巡司

沙嶺鋪 在縣北

梅江鋪 在縣北達梅花所

巴頭鋪 在縣南小社巡司

縣前鋪兵四名每名銀七兩二錢共銀二十八

兩八錢閏年每名加銀六錢迴橋鋪兵三名梅

江沙逕二鋪兵四名共七名每名銀五兩四錢

共銀三十七兩八錢閏年每名加銀四錢五分

沙嶺巴頭二鋪兵共四名每名銀四兩共銀一

十六兩閏年每名加銀三錢三分三釐三毫

連江縣

縣總鋪 在縣西

羅崙鋪 在清河里

潘渡鋪 陳山鋪 俱在光臨里

陀嶺鋪 俞家鋪 俱在清河里

赤崎鋪 在仁賢里

丹陽鋪 東禪鋪 俱在中鵝里

東湖鋪 在欽平上里

賢義上鋪 在賢義里

財橋鋪 在嘉賢下里

松塢鋪 在二十九都

官嶺鋪 蟬澳鋪 埕角鋪 以上三鋪俱在

一十七都

縣西鋪兵五名潘渡陳山丹陽三鋪每鋪兵四

名共十七名每名銀七兩二錢共銀一百二十

二兩四錢閏年每名加銀六錢羅嶺鋪兵四名

東禪鋪兵三名每名銀五兩四錢共銀三十七

兩八錢閏年每名加銀四錢五分赤崎陀嶺俞

家三鋪每鋪兵三名每名銀四兩八錢共銀四

十三兩二錢閏年每名加銀四錢賢義東湖財

橋松塢官嶺蟬澳埕角七鋪每鋪兵三名每名

銀四兩共銀八十四兩閏年每名加銀三錢三

分三釐三毫四絲

羅源縣

總鋪 在縣前

黎峯鋪 在縣西

應德鋪 在縣西明改公館

護國鋪 福源鋪 新豐鋪 俱達寧德界新

豐明改公館

縣前鋪兵五名黎峯應德護國福源新豐五鋪

每鋪兵四名共二十五名每名銀七兩二錢共

銀一百八十兩閏年每名加銀六錢

永福縣

總鋪 在縣南

汰口鋪 葛嶺鋪 峽山鋪

創嶺鋪 四鋪俱達福清界

縣前汰口葛嶺創嶺五鋪每鋪兵三名每名銀

五兩四錢共銀八十一兩閏年每名加銀四錢

五分福清縣

蒜嶺驛 下抵興化江口驛

宏路驛 上接閩縣大田驛下抵蒜嶺驛

總鋪 在縣南

宏路鋪 在善福里

高車鋪 在脩仁里

磨石鋪 常思鋪 俱在方輿里

金印鋪 玻瓈鋪 漁溪鋪

蘇溪鋪 蒜嶺鋪 以上五鋪達興化界

浯溪鋪 在清源里

店頭鋪 牛田鋪 三山鋪 俱在

化北里

桃花鋪 在平北里

後坑鋪 城西鋪 俱在南平里

薛田鋪 南門鋪

宏路蒜嶺二驛館夫各二名每名銀十兩八錢

共銀四十三兩二錢

縣前常思磨石太平高車金印玻瓈漁溪蘇溪

蒜嶺宏路十一鋪每鋪兵五名共五十五名每

名銀七兩二錢共銀三百九十六兩閏年每名

加銀六錢店頭鋪兵四名薛田三山桃林後坑

城西浯溪共六鋪每鋪兵二名每名銀五兩四

錢共銀三十六兩四錢閏年每名加銀四錢牛

田鋪兵三名每名銀五兩四錢共銀一十六兩

二錢閏年每名加銀四錢五分

福州府兵制考

府總

福州府城左右三營

城守副將一員 中軍遊擊一員

中軍守備一員 千總二員

把總四員

馬步戰守兵共八百七十四名撥桐山營兵二

十六名餉有定額

左營遊擊一員 中軍守備一員

千總二員 把總四員

馬步戰守兵共八百七十三名撥桐山營兵二

十七名餉有定額

右營遊擊一員 中軍守備一員

千總一員 把總四員撥桐山營一

員 馬步戰守兵共八百七十三名撥桐山營兵二

十七名餉有定額

閩安中左烽火三營

中營副將一員 中營遊擊一員

中軍守備一員 千總二員

把總四員

馬步戰守兵共一千名餉有定額

左營遊擊一員 中軍守備一員

千總二員 把總四員

馬步戰守兵共一千名餉有定額

烽火遊擊一員 中軍守備一員

千總二員 把總四員

通志

馬步戰守兵共一千名餉有定額

閩安陸營參將一員 中軍守備一員

千總二員 把總四員

馬步戰守兵共一千名餉有定額

中營水師總兵官一員 中軍遊擊一員

中軍守備一員 千總二員

把總四員

馬步戰守兵共一千名餉有定額

左營遊擊一員 中軍守備一員

千總二員 把總四員

馬步戰守兵共一千名餉有定額

右營遊擊一員 中營守備一員

千總二員 把總四員

馬步戰守兵共一千名餉有定額

長樂營遊擊一員 中軍守備一員

千總二員 把總四員

馬步戰守兵共九百六十名撥桐山營兵四十

名餉有定額

福清營遊擊一員 中軍守備一員

千總二員 把總四員

馬步戰守兵共九百六十名撥桐山營兵四十

名餉有定額

連江營遊擊一員 中軍守備一員

千總二員 把總四員

馬步戰守兵共九百七十名撥桐山營兵三十

名餉有定額

千總二員 把總四員

馬步戰守兵共一千名餉有定額

蒜嶺營守備一員 千總二員

把總四員

馬步戰守兵共一千名餉有定額

南臺炮城 順治十五年造

閩安鎮城 順治十五年造

象洋寨 康熙元年總督李率泰題造

石龍寨 康熙元年造

竹岐臺 石龍界口寨 俱康熙八年展

界後設立

雲巖嶺寨 康熙十七年造

福州府物產考一 府志

穀屬

稻 其歲一熟者曰大冬又有各種曰早占山

田可種附郭則少曰天降來霜降後熟曰薰提

曰黃芒與早稻同熟曰占城與晚稻同熟曰輪

早稻既獲苗始蕃亦與晚稻同熟曰土輪多出

洲田其歲再熟者又有曰金洲曰白香秫又名

糯與早稻同熟者曰早秫與晚稻同熟者曰晚

秫與大冬同熟者曰大冬秫

白油麻 味甘生則氣寒炒則氣熱夏種秋收

蔬屬

蒜 與蕪菁相類莖短葉闊厚而肥者曰蒜

芥 有青紫白三種又有南芥花芥石芥

芥藍 葉如藍而厚味美

油菜 子可榨油

蕪菁 葉似蕪菁浮水上花黃白子紫色莖細如

釵股名紫蕪味甘

鳧葵 即芥菜

甕菜 舊名武菜蔓生花白能解野葛毒張司

空云魏武帝噉野葛至一尺應是先食此菜也

遞齋閒覽又云菜本生東夷人用甕載其種歸

故以為名

水芹 生池澤中有二種荻芹赤芹

菠薐 本出頗薐國俗訛頗為菠

薐蓬 莖灰淋汁洗衣白如玉色

東風菜 葉長莖紫先春而生故名

香蕒 一名樵著朽木中生色黑味佳

茵 俗謂之菰有紅菰草菰性熱冬月生

石花菜 生山石間性寒暑月成凍

海藻 葉大生深海底

紫菜 附石生海上色本青曬乾則紫

鹿角菜 生海中能解癰熱

苔菜 海苔也色綠

薯蕷 俗名山藥又一種根皮近黃大者可重斤俗呼為薯

番薯 皮紫味稍甘於薯芋尤易生郡本無此

種自萬曆甲午荒後都御史金學曾撫閩從外

番覓種歸教民種樹以當穀食足果其腹荒不

為災

蔓青

果之屬

荔枝 樹高三三丈許大可合抱四時不凋葉

類冬青花似木樨性畏高寒郡西北境皆不可

種連江之南雖有植者其熟差晚過北嶺始大

盛閩產比南海巴蜀猶殊絕焉蔡襄譜為果品

第一其目最多曰虎皮紅色絕大繞腹有青紋

類虎斑曰牛心長二寸餘皮厚肉潤曰玳瑁紅

有黑點如玳瑁斑曰江家綠皮綠刺紅大如雞

子曰綠核色丹而小他種皆紫核此獨以綠見

異曰圓丁香他種帶天下銳此獨體圓與味俱

勝曰硫黃色黃刺微紅曰米柿色如柿紅而扁

大曰蒲萄總一朵至一二百附枝而生曰蚶殼

殼為深渠如瓦屋曰小丁香核如小丁香俗謂

之檀核曰大丁香殼厚色紫肉多而微澀曰雙

髻小紅每孕皆並帶駢首曰真珠肉圓白如珠

曰十八娘色深紅而細長以少女比之俗謂閩

王有女弟好啖此品因而得名曰將軍紅五代

間有為此官者種之後人因以其官名曰釵頭

顯紅而小曰粉紅荔枝多深紅而此獨色淺如

傅朱粉之狀以上皆佳品也曰中元紅荔枝絕

纔熟以晚重於時曰火山核大而味酸四月先熟以上皆中品也更有蔡譜所未詳者其最佳

日一品紅荔中極品故名曰狀元紅顆極大味清甘亦荔中第一曰桂林皮粗厚大如雞子味甘曰中冠體圓核小皮光味清大不如桂林成熟時香聞數里鳳岡所產為最曰金鐘形如鐘皮略粗厚色如硃砂味甘大類桂林俱以六月熟曰勝書皮厚刺尖味甘肉豐大如桂林七月熟出長樂縣六都者為最曰雞引子朵數十枚大小錯出其大者核小小者無核七月熟樹在城門山宋侍郎鄭公提墓前曰鳳池超實圓味甘出尚幹鄉故御史林公錢家其次佳曰驪蹄長大而甘柔曰金樓上銳下方色深黃曰栗玉似金樓而圓刺尖有金線界其中曰鑲玉皮粗厚味甘濃曰紅綉鞋實小而尖形如角黍核如丁香味極甘美曰龍牙色紅長二寸許上下俱方曰天柱以樹極高大故名曰滿林香皮微黃味甘香倍於衆品曰鵝卵石光無刺色紅曰蜜丸味甘肉厚俗呼肉丸曰白蜜皮粉紅甘如蜜曰鷄肝實扁味甘色紅無核已上熟俱以六月其中品曰饅頭皮粗厚味甘大如饅頭曰磨盤大如鷄子近帶處甚平曰馬先白其熟最早味不甚甘曰松柏蕾皮厚而粗味澀大如松子曰將軍帽實如松蕾皮厚肉澀曰醋甕色微黃味酸更有異品曰綠珠或名結綠俗呼為綠荔枝實如山榛無核味最清至熟時實與葉無辨惟鳳岡有之曰星毬紅枝條生葉葉比他種差厚色紅而不絳帶根於臍銳者如瓜扁者如橘圓者如鷄子順者如皂莢殊形詭狀核皆如丁香

亦有無核者食之甘脆有韻奪其枝而植者竟莫能逮焉出靈岫里今永慶里亦有之又有山荔枝數種曰勝江萍皮光味甘或呼為勝江陳淨江瓶俱此種曰鵝卵石薄實圓斑如鵝卵石微酸七月熟此山枝中之佳品也曰牛膽類極大一握僅三四枚出水西桐坑此山枝中之異品也曰山中冠實大而圓荔將盡時始熟味微酸澀曰山金鍾實大微長曰中秋綠色綠味微酸熟最後此山枝中之中品也
柑 有酥柑佛頭柑脂柑里尾柑
龍眼 俗呼圓眼一名益智樹似荔枝而葉微小凌冬不凋七八月熟殼色褐黃圓如彈肉白而甘昔左思賦云旁挺龍目側生荔枝蓋稱雙美云
橄欖 木端直而高秋實先苦後甘脆美者曰碧玉又一種曰丁香極小而雋永或云移種異土則化為別物如橘化為枳之類按宋張世南遊宦紀聞云家中嘗手植閩中橄欖核於小圃伺其萌苗再歲而樹壯畏霜覆以屋又三歲高二丈許始實初如茱萸凡兩月漸大有墮地者視之木榧子也皮可洗衣功不讓皂角核則以為念珠者地土風氣之能移物性如是耶
橙 有佛頭橙蜜橙青橙雜橙橙香綿橙
橘 有鏡橘酒橘四時橘剪橘猴橘洞庭橘連江橘里尾橘漳橘原出漳州金橘實小
柚 亦名香柑樹高二三丈實黃大金黃色皮厚肉白味甘酸又一種肉紅而味甘

香櫞 大者長尺餘黃色皮厚而香一種如人指名佛手柑
桃 有梅桃金桃匾桃七月桃十月桃白蜜桃矮桃苦桃
李 有白李胭脂李琥珀李夫人李真珠李鵝黃李
梨 有鵝梨輕消梨拒霜梨水梨赤梨紫梨煤梨其慶者謂之綿梨更有別名曰青皮櫟六月雪
杏 圖者名金杏扁而青黃者名木杏
梅 有酥梅桃梅李梅杏梅搖梅形大如鷄子楊梅 木似荔枝葉稠陰厚其實生青熟紅無皮殼
枇杷 一名盧橘四時不凋
銀杏 一名鴨脚又名公孫樹
甘蔗 有二種赤者曰崑崙蔗白者曰荻蔗汁可為沙糖其長者可八九尺俗呼為杖蔗宋孝武送魏武蔗百挺是也
栗 外刺如蠟山邑多產
蕉 俗呼為芭蕉有象牙蕉樹高丈餘實大佛指蕉樹高五六尺實差小美人蕉紅花無實又一種無花實苗可織為布又有番蕉
棗 有黃白二色方者名散子尖長者名龍牙脆而甘者名麝棗
葡萄 有青紫二色閩產多青者
芡實 俗名鷄頭蓮先實後花晝合而宵放菱也其花亦晝合宵放隨月轉移

櫻桃 四月熟深紅者為朱櫻黃晶者為蠟櫻木瓜 狀如柰花紅實如小瓜爾雅所謂楸木是也

土瓜 一名新蘿葛藤似葛根大如孟色青白味甘

柿 有花柿卵柿烏柿朱柿林檎 一名來禽又名花紅有甘酢二種

柰 似林檎而青小花白味苦楊桃 色青黃核如棗核實有五瓣

王壇子 相傳越王祭壇邊有因名形如彈丸俗名黃彈

菩提果 花如冠蕤葉似冬青實似枇杷而大味清甘而香自西域來故名菩提

金斗 實紅葉似橄欖而長無花果 其樹繁陰實黃如栗

餘甘 海物異名記庵摩勒果圓瑩如珠食之餘味始甘出福清

山核桃 木高數丈葉如梧桐三輔黃圖謂之萬歲子

木屬 榕 其大數圍凌冬不凋雖結駟可庇郡城獨著故名榕城至劍州界則無舊志作楠以其擁腫不中繩墨故名然以其陰覆寬廣宜從容為是

樟 樹大氣辛汁可為腦木堪為舟

桐 有四種青桐皮葉俱青而無子梧桐皮白而有子白桐有花與子一名椅桐闊桐似白桐

無子可為琴瑟相思 木堅有文堪作器用左思賦所云相思之樹此也

欖 不高大枝有刺子似茱萸而香味辛如椒殺腥物

椒 本有刺子孕生而熟味辛生蜀都者曰蜀椒西戎者曰胡椒本土者則曰土椒

黃楊 葉細皮薄歲長三寸至閏年則縮一寸東坡詩惟有黃楊厄閏年此也木堅實可為器用

黃蘗 木枝與石櫚無辨皮黃子赤如枸杞子兩頭尖枝可剉以染黃生於山石之間其味絕苦

木槵 葉如橄欖而小實可以浣衣子可以貫為數珠

樸 葉如茄條差小其皮蠹故名椿 葉似橄欖芽香可噉

楮 皮有斑花其皮可以為布亦可擣以為紙實如楊梅

棟 樹有雌雄雄者根赤無子雌者根白有子樗 木形幹類椿大而無用

梓 似桐而葉小花紫理白色而生子者橡 高可二三丈三四月開花八九月結實名

阜斗其實可以染阜

枕榔 木似櫻欄有節葉亦如之外堅中虛石楠 葉如枇杷有刺凌冬不凋植庭宇間陰翳可愛其木堅硬可為斧柯

檉 一名西河柳皮赤如絳一名雨師枝葉似杉 葉紅如楓實有脂可為燭

楓 似白楊葉圓而岐有三角二月花色白取其脂可以為香

杉 葉如刺幹勁直大者合抱可中棟梁櫛 木似柞子可食為柱不腐

櫻欄 亦曰栢欄高一二丈傍舞枝條葉尺餘中包如魚子鵝黃召其棕可為繩

白牙 最白可為器玩

水楊 葉圓而闊枝條矩硬多生水岸阜茨 有雌雄雄者不實鑿木幹方寸以雌木填之乃實

青剛 葉似石楠木紋如黃楊堪作鞍橋冬青 一名萬年枝

吉兆藤 三山志作吉鈞藤亦名烏理藤色紫老者可貼雙陸局道家呼其根為降真香

王孫藤 金剛藤 香藤

竹屬 慈竹 叢生即子母竹生不離本

斑竹 三山志名為研竹鶴膝竹 似靈壽不須斲削自合杖制

箭竹 可為箭幹苦竹 筍味甚苦又有苦伏竹澹竹 肉薄節間有粉可燒竹瀝石竹 節疎而平可為器用江南竹 粗大而堅直

秋竹 甚小以為簍用

蟲竹 叢生如蘆每節生蟲

籬竹 節長細笋味最美一作叢竹

筋竹 肉厚而叢小可為弓弩材

紫竹 可截為管

方竹 壽山方廣巖俱有之

人面竹 其節一俯一仰如人面然

水竹 植石盆中可為玩

黃金間碧玉竹 一黃一青橫豎相間山中多有之

有之高湖產者絕鉅

含朶竹

鳳尾竹

觀音竹

藥屬

香薷 性堪避暑

澤蘭 俗名千里吉

小青 三月生花

庵蘭 狀如蒿艾可避蛇

石垂 三月有花四月採治蠱毒

感籐 如鷄卵大汁甘美如蜜生研敷蛇蟲咬

瘡一名甘藤

土紅花 葉上青下白根如葛頭

何首烏 春生苗葉葉相對根大如拳雄赤而

雌白

獨脚仙 葉圓上青下紫腳長三四寸

赤孫施 葉如浮萍

紫金牛 葉如茶上綠下紫實圓紅如丹朱

桑螺蛸 螳螂子也附桑枝者佳

建水草 枝葉似桑

瓊田草 春生苗葉無花

鷄櫻草 葉如紅花而有刺青色

白蘘荷 葉似甘蕉根似薑芽能解蟲毒亦云

辟蛇

海螺蛸 墨魚板 俱出府城

紫金藤 春初生葉青色

欽定古今圖書集成方輿彙編職方典

第一千四十二卷目錄

福州府部彙考十

福州府物產考二

福州府古蹟考
陵墓附

職方典第一千四十二卷

福州府部彙考十

福州府物產考二

府志

府總

花之屬

末麗 俗名茉莉色同瓊瑩氣掩蘭芳盛夏香尤酷烈聞數步之外汴京謂南土諸花之最者一種紅色曰紅末麗

玫瑰 似薔薇而香甚酷烈

山丹 花有紫白二色又一種名金沙而香不及紅色一蒂百餘蕊如絳羅囊

半丈紅 花如御帶而差大一名棠棣

眞珠 有單葉百葉二種

滾繡毬 花白圓如毬

海棠 色紅又有垂絲海棠色淡紅

薔薇 枝幹有刺花紅紫色盛開如錦亦有黃

薔薇如棠棣金色有淡黃鵝黃色

越橘 花如瑞香而白葉幹如黃楊實如朱櫻

圖雪紅 如玫瑰而香色次之四時常芳亦名勝春

閣提 花白而香如素馨蓋嚴桂之流品也一名駝蹄

玉簪 質素而香形如玉簪亦名白鶴一種名紫簪

剪金紅 葉分數歧如剪刀之狀

度年紅 餘高花歷冬春不變

含笑 色白花半開香甚

凌霄 藤蔓附大木而生其花紅赤夏時最盛

百合 莖特生而直上亦名倒仙花白一種斑紅謂之川百合

葵 花有白紅紫數色大者名杖葵小者名錦葵

紫荊 木似林檎花浮紫可愛

玉蝴蝶 色白如瓊花垂枝相對又有八蝶簇一心謂之聚八仙

佛桑 有五色其純白而英間無紫點者名爲舜英淡黃者俗名金木蘭

木槿 朝開暮落俗名奔離

山茶 深紅色冬盛開

寶珠茶 有紅白二色枝幹稍細於山茶而花勝之

蜀茶 種出滇蜀花大如盃最艷麗者又一種曰大理茶

錢茶 有紅白二色其形如錢

御仙 即麗春似罌粟而小

金錢 深紅色葉長厚

罌粟 花舊只紅白二種近有五色九月布子春深乃生實如小罌子若細粟

木芙蓉 一名拒霜有紅白二色一種朝開純白午後則漸紅如醉謂之醉芙蓉

桂 有丹黃白三色一種木紋如樺名木樨四時開者曰月桂

鷹爪 藤生花木銳似鷹爪

馬纓 葉朝開夜合花紅似馬纓

玉屑 藤生花狀如碎玉

鳳尾 有二種大者花白蕊黃穗生長徑尺若鳳尾一種花疎而香勝亦名七里香可辟蠹

玉龍鬆 藤生花微紅而圓一種醉楊妃花相類葉尖

寶相 藤生花類長春

紫薇 又名百日紅

薔薇 一名梔子花六出有千葉者呼玉樓春

杜鵑 一名躑躅

萱 一名鹿葱

夾竹桃 一名半年紅葉似竹花似桃

夜合 又名合歡

蘭 一幹一花曰蘭一幹數花曰蕙蘭蕙最多有莖紫白二種蘭譜所載陳夢良金邊魚鱗在在有之皆蕙類也吳越人呼爲建蘭又有珠蘭

花白結綠珠吉祥蘭花紫皆異種也

梅 有紅梅臘梅百葉梅綠萼梅

賽蘭 色黃蔓生四五月開香勝蘭花

水仙 俗名金盞銀臺

扁竹 其根名射干

滴露金 葉滴露地而生

錦竹 一名石竹

迎春 一名黃雀兒

金燈 花光艷如燈俗呼天蒜

美人蕉 其花四時皆開深紅照眼經月不謝

舊米 蔓生有紅白二色

刺桐 花色深紅

指甲 蜜色清香置髮中久而益靚葉可染甲

雪毯 花白狀如綉毯

粉團 似雪毯而小

風蘭 寄生高樹根不麗土姪婦難產者懸之可以催生

玉樓春 花白色似山梔而小

鶴蘭 花白色兩翅一頭尾稍黑如鶴焉

瑞香 有紫白二種

秋海棠 閩產開花在五六月間

歲蘭 一幹十四五花除夕始開月餘不落

草之屬

茭 初生筍可食

雞簕 青色苗葉似紫蘇白花州人呼其葉爲

火炊草

馬藍 葉類苦蕒菜土人連根採之

石龍 叢生俗名龍鬚草今人以爲席

紫背 葉背紫無花解蛇毒

燈心 澤地叢生莖圓細而長直可燃燈故名

人以爲蓆

雞腸 一名紫縷葉似荇菜而小其莖梗作蔓

斷之有綠汁縷細而中虛似雞腸故名

鱧腸 卽蓮子草也一種葉似柳而光澤莖似

馬齒莧花細而白如小蓮房一種苗梗似蓮花

而黃色實亦黃而圓可止血卽斷血草

鴈來紅 絕似荇菜五色相間開鴈則盛故名

浙人呼漢宮秋

佛甲 附石向陽而生似馬齒莧細小而長

仙人掌 石壁上貼生如人掌治痔瀉血

忘 似茅可以爲繩索履屨

黃 生有三稜望江生者爲淡黃近海者爲鹹

黃土人以爲纜爲蓆爲屨

虎杖 似紅草而大有細刺可以染赤煎爲飲

色如琥珀

戒火 人家用瓦缶植之以警火

獨掃 獨生一株形如帚

魚腥 產水中腥氣逼人煎浴可以療痔

斷腸 蔓生野中葉大如浮留食之能殺人

錢蒲 色青柔嫩其根盤結如錢

剪刀草 葉如剪刀苗甚軟嫩色深青綠每叢

十餘莖內一莖分枝開小白花

旱蓮

鼠麴 龍舌 莽草 淡酸

接骨

羽之屬

翡翠 雄赤曰翡雌青曰翠其小者謂之翠碧

善捕魚

鵝鵝 領下胡大如囊能盛水貯魚而食之其

膏可塗劍

姑鷄 一名姑惡舊志曰鷄鵝

竹鷄 其聲自呼爲泥滑泥滑白蟻聞之盡化爲

水亦名越鳥

信鳥 類雀而小能爲百禽聲

鷓鴣 比翼鳥似鳬青赤色

鷓鴣 一名巧婦能以絲縫葉爲巢方言爲扛

鼓

海鵝 似鴟鵂而食

紅娘 丹靑翠身似鸚鵡

戴勝 一名郭公

啄木 口如錐長數寸嘗啄樹食蟲故名

屬玉 溪禽似鷺而黑色

謝豹 杜鵑別名

呼潮 色蒼似鷓鴣至卽鳴

吉弔 似百舌其鳴如自呼

絲囊 似鷓鴣而小頂上有五色囊

雷舞 蒼赤色聞雷卽舞

鴉 一名梟一名鴞鵂夜飛晝伏又名夜行遊

女又名鬼車遇陰晦則飛鳴惡聲鳥也

毛之屬

猴 石竹山最多

猩 似獼猴而大色蒼黑能攫持人好顧

猩 生連江五峯山中

毫豬 白毛大如豕而黑端

竹鼯 俗名管豚

鼠狼 似鼠而大能食鼠

鼯鼠 青黃色在田中好食粟荳

鼯鼠 似小蝙蝠療耳聾

鱗之屬

大姑魚 似鯉魚差小大鱗

黃尾魚 似鯉而尾微黃

金鯉魚 色紅黃大姑生子爲日所曬而成

草魚 飼以草因名

鱧魚 一名烏鯉圓長而斑首有七點作北斗

象肉美胆甘無鱗夜則昂首北向本草云蝮蛇

所變

金鯽 能變幻可畜盆中俗呼爲盆魚

鯽魚 一名鮒魚鱗如淡墨傳金侶行吹沫如

星東南海中鯽魚長八尺食之宜暑而避風

金箍魚 盆魚中之三尾者

棘鰍 似鯽而大其鰓如棘紅紫色

赤鰍 似棘鰍而大其鰓皆淺紅色

方頭 似棘鰍而頭方味美

烏類 似棘鰍

鯊魚 有數種曰虎鯊頭目凹而身有虎紋曰

鋸鯊上唇長三四尺兩傍有齒如鋸曰狗鯊頭

如狗曰烏頭類尾黑背大有百餘斤其皮用湯

泡淨沙縷作膾響鬣泡去外皮存絲亦堪作膾

色晶瑩如錦絲曰胡鯊青色背上有沙大者長

丈餘小者長三四尺鼻如鋸皮可縷爲膾曰鯨

鯨似蛟而鼻長皮可飾劍靶曰劍鯨尾長似劍

曰烏鬚類尾皆黑曰出入鯊初生隨母浮遊見

大魚從母口中入腹須臾復出曰時鯊有肉無

腹大者刳其肉烹之多油可啖亦可燃曰帽鯊

腮兩邊有皮如戴帽一名雙鬚鯊曰黃鯊好食

百魚大者五六百斤又有青鯊淡鯊夾鯊之類

吹鯊 大如指狹圓而長身有黑點嘗張口吹

沙生流水中

鰻魚 似鰻尾如燕子

鯊魚 頭長而狹腹薄而腴多鯁脊如刀刃謂

之劍魚俗曰刀魚食之可已妬

鱸魚 類鰻肉肥味厚而二腮

鰻魚 巨口細鱗鬚鬣皆圓味美如鱸其斑文

鮮明色著者爲雄晦者爲雌

子魚 似烏魚而短身圓口小目赤鱗黑至子

月愈肥故云一名鱖魚又名鮓魚惟福清縣有

之

撥尾 子魚之小者

鰕魚 似鰻而目大似鯉而鱗粗能以鬣刺水

蛇食之

鰻魚 板身扁首燕尾青脊白鱗大者長數尺

肥腴多鯁春未有之又一種春漲沂流而上月

長一寸至十月滿尺者佳此魚以不腥爲異一

名青鱗

鰻魚 似鰻而多鯁

鰻魚 如鰻而小鱗青色一名青鱗俗呼青鰻

又一種出洪塘江者爲江鱖

石首魚 腦中有兩小石如玉鏤可爲膠鱗黃

璀璨可愛一名鰻俗名黃瓜魚

黃梅魚 石首之短小者一名大頭魚

鰻魚 形如石首而差大鱗細口紅

狀鰻 似鰻生江中味美多油

鰻 似鰻目中赤色好獨行

鰻魚 似鰻而短以涎自染難握

海鰻 最巨能吞舟目閃鬚鬣若簾朱旗

比目魚 狀如牛脾一眼須兩魚相合乃行俗

名鞋底魚

鰻魚 形扁而薄俗亦呼鞋底魚

過鰻魚 頭類鰻身類鰻以臘來春去故名

烏鰻 舊志曰烏鰻入足絕短口含墨每遇大

魚輒噴墨潤水自匿小魚則吐墨以迷之性嗜

烏每曝水面伺烏下啄則捲而食之俗呼爲墨

魚大者曰花枝曬乾者俗呼曰螟脯乾

柔魚 似烏鰻而小色紫俗名鎖管

墨斗 似鎖管而小能吐墨

猴柴 比墨斗稍大比鎖管稍小

馬鰻魚 青斑色無鱗刺一名章引

嘉酥魚 海中魚之極大者其脊莖以爲酥

黃雀 似鰻而小冬月最盛

青鰻 類黃雀而小

章果 似石拒而大

帶魚 身薄而長其形如帶無鱗一種小者曰

帶柳

鯨魚 腹圓口在腹下八足聚生口旁足上皆

有圓紋浮起紫色

石拒 似鯁魚而大居石穴中人取之則以足粘石相拒故名

塗婆 似石拒而足短

水母 一名蛇形圓而大多足浮游水上以鯽爲目一名栲一名蚌

黑缸魚 形如團扇無鱗紫黑色尾長於身能刺人

斑車 背上有斑其腹中有肚味佳

黃貂 似燕而嘴大竟可爲齋

泥猴魚 大如拇指鬚鬚青斑生泥穴中夜則駢首朝北登物捷若猴故名一名彈塗一名跳魚

白頰 似跳魚而頰白

田瑟 穴田腔間無鱗有刺謂之塗虱

白鰮 形圓薄如錢名金錢鰮

丁斑 大如指長二三寸身有花文紅綠相間人家盆中畜之善鬪一名鬪魚

溪斑 鱗細墨斑

重唇 頭大尾小無鱗生石穴中

疊甲 身圓長五寸鱗有兩點

銀魚 口尖身銳白如銀條

麵條 似銀魚而極大

漿魚 似麪條而嘴小

白沫 梅雨時海水凝沫而成形雪色無骨大如筋蔓味厚名丁香魷

錢串 嘴小身長青色亦名青針

海燕魚 形如飛燕有肉翅能奮飛海上

飛魚 有肉翅一躍十餘丈

白魚 板身色白

黃魚 扁薄色白

竹魚 身甚薄

大面魚 板身闊二三寸尾無鱗

鏡魚 眼圓如鏡水上翻轉如車亦名翻車魚

圓眼 口尖眼圓而赤

要魚 其狀纖細又名黃絲要

金鮓 尾脊有細鱗金色

緋魚 色如緋

白刀魚 白鱗形似刀

白澤魚 羣生隨波潮縮在澤

鯖鯢 背青身長一名青魚

鰱 色微黑一名鰱

鰻魚 雌生卵雄吞之成魚青色無鱗一名松魚

楓葉魚 海樹霜葉風飄浪翻腐若螢化厥質爲魚

琵琶魚 身扁狀似琵琶

石伏魚 伏於溪下

鹿角魚 芒角持戴在鼻小者醢爲鱸味佳大者長五六寸其皮可以角錯

黃蠟鯉 亦鰓也鱗金點差厚

鱗 背有肉二片乾之名金絲鱗形味俱類沙魚翅

鰓鰻魚 板身多鰓而肥美

魴鰽魚 大如拇指有五色

鮫魚 無皮鱗

抱石魚 背偃而腹平大如指常貼於石上

土蜂 形如蚯蚓

蠶鮓魚 尾有腥多穴於田塍或泥岸中

鰻魚 細如米粒可鮓即魚苗之大者

闊潮 乘波霧集故名

鮫鯉 一名穿山甲似鯉而有四足鱗甲堅厚

常吐舌出涎須蠅蟻滿其上乃卷而食之

鰻魚 板身口小頭縮肥而少鰓

鰻魚 頭微而小扁

鰻魚 長七八寸骨柔無鱗類錢之半有五色

文又謂爲玉羹

鹹魚 狀似鯽喙如針

蝦 有數種蝦魁即龍蝦蝦姑白蝦草蝦梅蝦

蘆蝦稻蝦對蝦赤尾蝦之小者金鉤子小於赤

尾塗苗謂之醬蝦

鰻魚 出府城

缺亂 似鮎而小腮邊有刺能整人其聲缺亂

名黃鰻魚能醒酒

田鰻 似缺而大

鰻魚 似馬鰻而小有鱗

鰻魚 肝及子最毒一名河豚

鰻魚 背厚尾長有足大者二三百斤

水蓋 背差薄於鰻列之多水

黃鰻魚 鰻黃色

鰻魚 身長鱗白

介之屬

蟹 有毛蟹錢蟹二種

石鹽 狀如蚶越而長不及半廣僅半之

蚶越 似石蟹而小色微黃左螯大而無毛

螃蜞 似蚶越而大右螯小而赤

蟳 蟳蚌其螯最健大者能殺人

虎獅 形似虎頭又名揭哺子有紅赤斑點螯扁與爪皆有毛

桀步 一名擁劍又名執火二螯大小不侔以大者鬬小者食

虎蟬 文有虎斑

蘆禽 形似蚶越

塗蜥 俗呼塗基

蛤蜊 殼白厚圓肉如車螯

千人掌 狀如蝦姑殼堅硬人儘力擊之不能開謂之千人控

蚶 一名瓦屋大或專車其殼可以爲器小者有珠蚶絲蚶二種

赤蛤 殼有花文赤色

海紅 形類赤蛤而大

蜆 似蛤蜊

西施舌 似蚌而小舌極白而脆美俗名車蛤

紅栗 似蛤而小色白而微紅

文蛤 殼有文理唐時嘗充土貢

海蛤 殼爲風濤所洗自然圓淨

紅綠 似蛤而小

土鏡 殼薄綠色尾白色一名沙屑

白蛤 一名空牙

車螯 陳藏器云大蛤也最小者曰螯白

蠣房 殼硬礪相粘如房一名曰蠓又曰牡蠣

草鞋蠣 大如盃

黃蠣 大蠣房數倍五六月有之

淡菜 生海石上以苔爲根殼長而堅硬一名殼菜又名海夫人

沙箭 淡菜之小者

蜆 俗名曰蠓

江瑤柱 殼色如淡菜柱圓而脆厥甲美如瑤

玉肉柱膚寸

蚌 有珠胎

蛤青 似蚌而殼薄青色

翠翠 似蚌而殼翠

海月 形圓如月一名蠓鏡

石華 附石而生殼如牡蠣而大可飾廳牖

石帆 紫黑色枝柯相動連帶不絕生海石上穴中

沙筋 長尺餘其狀如簪故又名塗釵生海岸

沙中春時吐苗其心苦骨白勁可爲酒簍

海蠶 俗名泥笋

沙蠶 似土笋而長

土鑽 似沙蠶而長

石蛙 俗名龜脚生石上如人指甲連枝帶肉有軟爪得春雨則開花

石鱗 形如箬笠殼在上肉在下

石決明 附海石上生惟一殼無對大者如手

小者如兩三指旁有十數孔

海胆 殼圓如盃外結密刺肉有膏黃土人以爲醬

石槿 形圓色黃肉紫有刺人觸之則刺動搖

寄生 海上枯贏殼存者寄生其中負殼而走

形如蟹四足兩螯其味若蝦

鯉 生海泥中可種而生大如指長三寸許肉白殼薄更有二種曰竹蛭似蛭而長大殼厚曰

玉筋蛭似蛭而小麥熟時最盛

蟹 腹下有十二足殼厚掩身尾長有刺碧血

骨眼子如綠豆雌常負雄雖風濤不解故漁者必雙得之其殼可屈爲杓轆釜其尾燒烟可辟

蚊蚋

螺 種類不一曰田螺曰溪螺曰香螺大如甌

長數寸其掩雜衆香燒之使益芳獨燒則臭謂之甲香曰細螺光彩如鈿可飾鏡背曰黃螺殼

硬色黃曰米螺小粒如米曰紅螺肉可爲醬曰

蓼螺味辛如蓼曰梭螺殼細長文如雕鏤曰竹

螺殼文蠶味清香曰紫背螺紫色有斑點俗謂

之研螺曰鸚鵡螺狀若鸚鵡堪作酒杯曰泥螺

殼似螺而薄多涎有膏一名土鑽又名麥螺曰

鵝鴿螺殼小而厚黑色曰馬蹄螺曰指甲螺俱

以形似名曰江撈螺即指甲之大者曰花螺圓

而圓殼有斑點味勝黃螺曰醋螺出洪塘江去

殼醃之味佳曰沙螺形如竹螺味微苦尾極脆

龍虱 似蛭蝨而小黑色兩翼六足秋月暴風

起從海上飛來落水田或池塘土人撈取油鹽

而食之

金蟬 色黃大於蟬

蟻 螫銛利截物如剪故名

蠅 形似蛤蜊而大

沙虱 似蠅而殼差薄

烏蛉 似淡菜而極小中無毛

鳥投 似烏蛉而殼堅中有毛

老蟬牙 似蟻而味厚一名牛蹄以形名

蟻 生海中附石殼如鹿蹄殼在上肉在下大

者如雀卵

蟲之屬

蛇 有蝮蛇花蛇紅蛇白花蛇烏蛇蟒蛇青竹

蛇黃領蛇

龜 背青綠色又有黃文者謂之金線龜

蜥蜴 似蛇四足尾青碧以五色備者為雄不

備者為雌生草澤中一種喜綠離壁間形小而

黑名蠃蛇又曰守宮

大約 青背黃脊一路微黑腹下而色黃褐嘴

尖當頂兩旁有白圈

雨蛤 一名雨鬼形如蝦蟆大如小拇指天將

雨則鳴

貨之屬

銀 古田羅源舊有銀場久塞

鐵 出閩清古田福清

鹽 日曬而成福清有鹽埕

絲 蠶桑差薄所產多類

改機 改機故用五層明弘治間有林洪者工

杆軸謂吳中多重錦閩織不逮遂改投機為四層故名改機

絲布 故時細織字麻雜絲織以為布今純用

絲

絲布 布之扁紗者俗名濟布

紅麵 出古田

糖 煮蔗為之

黃蠟 蜂蠟也

白蠟 蟲蠟也

藍澱 採馬藍草水浸經月去植以灰擾之即成澱

茶 諸邑皆有閩之方山鼓山為最他如候官

之九峯長樂之蟹谷福清之靈石永福之名山

室皆產茶然不甚多而香味不減鼓山也

福州府古蹟考

本府 閩縣 縣官縣附郭

府志

漢閩越王城 在冶山無諸舊治也

歐冶池 在冶山之麓閩越王鑄劍處唐元和

十四年置劍池院風雨時波濤晦暝僧惟鑒落

池得劍環治竈猶有在竹林中者今築為貢院

餘為民居所侵僅方塘半畝云

歐冶亭 宋太卿程師孟作亭自為序宣和中

提刑俞向移歐陽冶亭木植於南湖明成化十

五年鎮守大監盧勝移建於歐冶池西十九年為風雨所圯

藏春洞府 在冶山舊為民居所占正德六年

復其地為藏春洞府闢門入冶山束竹為十亭

舊子城 在越王山南晉太康中刺史嚴高謂

故治城不足容衆將改卜焉圖以資郭景純遂

拓而廣之

屏山樓 在屏山之巔正統十一年火後重建

今圯

北園 屏山麓也山麓至巔從樣樓而下一望

周遭皆屬布政司禁居民無種植其上淵傷龍

脉

唐福州都督府 在今布政司右

威武臺 在城隍廟東宋熙寧二年郡守程師

孟築子城併封其址為之今廢

坐嘯臺 熙寧中程師孟築

雙松亭 蔡襄創自篆書額以上亭臺俱舊威

武軍節度使衙今布政司內久廢

萬象亭 在宋府治燕堂之北今布政司內紹

興十四年葉夢得創今廢

還珠門 五代僞閩所築今布政司南舊子城

門正南曰虎節虎節之外為重關即還珠門也

宋大中祥符間改今名後燬於火明正德壬申

重建

通津門 在館前舊羅城惟此門尚存俗呼青

門樓天啓甲子燬於火崇禎庚午勅造層樓檣

稱壯麗云

威武營 在開元寺東吳置典船都尉造船於此

止戈堂 在布政司內宋建炎中韓世忠破建賊飲彈於此

嚴勝門 在今府治東北隅宋有嚴氏居通於塚家鬻米取贏極薄時方憂旱夜夢神人告之必得如嚴者使禱羅致之果雨

瑯琊忠懿王故宅 在慶城寺南唐侍郎于兢撰德政碑又有錢昱撰忠懿王廟碑

鰲峯勝觀亭 在平遠臺

五雲閣 在舊九仙樓之西唐李若初嘗登城西望有五色雲當王霸宅遂作冲虛宮此閣面對五雲故以爲名宋宣和五年郡守孫竑建今廢

觀稼亭 在烏石山之東唐郡守閻濟美陸辭日德宗諭以農事到官首創是亭今久廢

幽幽亭 在烏石山東北隅宋沈邈爲候官令得釋迦院東北地作臺曰峻青後十年復來守郡寺僧並臺作亭蔡襄至其下名之曰幽幽今廢

李陽冰篆般若臺記 刻於神光寺華嚴巖李陽冰書此篆與處州新驛記縉雲城隍記麗水忘歸臺銘稱四絕

頭陀巖 在烏石山之麓安文頭陀嘗磨石崖題云客至不點茶相看淡如水白雲生谷中穩坐浮生裏

崔公井 在烏石山唐崔干飲之賞其甘美遂

名

竹林井 在仁慶坊內舊傳井有金龍隱見宋紹聖淳熙間里人弗戒於火彷彿見有撲滅之者

榕城 三山多榕治平四年張伯玉守福州編戶植榕熙寧以來綠陰滿城暑不張蓋

經史閣 在府學內舊九經閣宋大觀二年詔改稽古景定四年燬咸淳二年重建閣之下匾曰止善堂元至大二年以止善堂爲經史庫凡詩板皆貯於此

拱極樓 在府城英達坊內宋鄭性之建其匾理宗御書今碑尚存

舊閩縣治 在今縣治東閩都坊內

西園 在府治西左高而右卑有池舊通潮府治諸寶之水皆歸焉宋每歲二月開西園與民遊翫至三月止今久湮廢

樂園 在宋提刑司內虛靜堂之北園館連屬宣和二年更新之庭之南有二亭東曰熙春西曰戴春遍植荔枝有樓曰荔枝樓左右二沼植蓮其中名曰清逸每歲二月府開西園提刑司亦開樂園各一月乃止今悉湮沒

都倉 在府治西舊名西坂倉今俗呼舊米倉巷

振衣亭 在縣東湯院中有溫泉宋嘉祐間郡守元絳閱郡圖得其名乃濬其源磐石爲井而環之以屋宣和六年修溫室四井振衣亭非衣冠不許遊也今圯

臨河務 宋州東南美化門古南鎮巷凡百貨舟載從此入故置務今廢

控海樓 在水部門河口進貢廠內正德間建今頽塌

水晶宮 在城西西湖上僞閩時跨湖築室週迴十餘里號水晶宮每攜後庭遊宴從子城複道中出

澄瀾閣 在西湖上宋丞相趙汝愚改泐西湖樓爲之先是子城有九樓今皆不可考獨西湖樓遺址猶存水滸明萬曆三年重建

頌德亭 在府城西草市都舊名西隱相傳唐郡守唐扶有惠政民思之乃更名頌德成化十二年開地新之立石其中

越王臺 在城南相傳越王餘善釣白龍於此故又名釣龍臺三山志以爲無諸受漢冊即此全閩第一江山 石刻在南臺米芾書

南臺二大字 在釣龍臺上宋趙汝愚隸古明極松風二堂 俱在時昇里報恩光孝寺內今廢

戰坂 在城東北十餘里五代時南唐兵與李仁達戰於此今荒莽中營址猶存

陶竈 在戰坂西閩王審知築南北夾城陶磚於此時審知令磚悉印錢文後國歸吳越人以爲先兆云

龍跡石 在與城里唐廣德中忽有飛龍從地出白晝風雷驟雨石上有遺跡焉里人遇旱祈禱輒應

唐陳去疾宅 在桂枝坊
虞奇宅 在遂勝里東山名虞公巷

黃璞宅 在治北黃巷

宋陸琦宅 在治東祕書巷今訛爲篋梳巷

陳簡能宅 在縣治東忠順坊內

許將宅 在縣治東署日狀元坊

湛俞宅 在館前

朱倬宅 在治西太平公輔坊今枋門也

朱敏中宅 在治東朱紫坊內

張翥宅 在末北里礪源

鄭昭先宅 在江左里洋嶼真德秀名其堂曰畝宮

陳增宅 在大義坊今名榮繡爲增建立

陳韓宅 在治南今名花園

陳凱宅 在鼓山下

蔡伯倫宅 在治東蔡奇童巷今訛綵旗巷

鄭湜宅 在南郊外城門山

劉藻宅 在治北安民巷

陳烈宅 在郎官巷

劉濤宅 在郎官巷濤數世郎官因以名巷

王益祥宅 在衣錦坊今世其居

黃朴宅 在烏石山鱗次臺

鄭性之宅 在耆德魁輔坊今日吉庇巷

鄭穆宅 在文儒坊巷

陳襄宅 在八都古靈山

林安宅 在十都嶼頭

潘柄宅 在瓜山下

古田縣
溪山第一亭 在縣北區朱文公書宋淳化二

年建今廢

林用中宅 在縣北隅

閩清縣

仙人坐化石 在十四都舊傳張真人演法水

中坐化於巨石旁有九龍潭遊魚羣聚其中雖

洪潦漲溢不散

陳祥道宅 在三都鐘湖山下

長樂縣

吳航頭 今縣水次是也閩中記云吳王夫差

乘船略地至此故名

紫陽樓 在二都後漢元應宮東朱文公避學

禁膏寓此

林慎思宅 在縣治東籌峰山下

陳烈宅 在二都陽下其後徙候官郎官巷

鄒異宅 在縣治西賓賢里

陳剛翁宅 在縣東翰林坊

連江縣

筠溪釣臺 在縣西清河里濂湖山麓宋侍郎

李彌遜隱其間築臺湖上釣魚爲樂刻石志之

舊址猶存

李彌遜宅 在清河里濂湖上有釣臺遺蹟

羅源縣

仙人石 在縣南三里許相傳昔有仙人遊此

足跡猶存

永福縣

太原石 在縣治東唐永泰初邑令王秩滿歲

舟於此邑人留餞夜深未歸室人題詩云何事

潘郎重別筵離情未斷妾心懸太原山下相思

處猿叫青山月滿船後縣令陳武祐刻之石壁

今詩磨滅惟太原二字尚在

陳表臣宅 在縣治東

林學蒙宅 在龍門山

梁巖老宅 在縣南

元王翰宅 在三都觀獵山

福清縣

祭苗墩 閩王審知祈穀處在縣南隆仁里旁

有鼓樓亦閩王築堤障海建之

軍寨 在縣西善福里石竹山下宋初宿重兵

於此禦盜今旁村猶有名虎屋者

古屯 在縣西善福里邑人屯兵之所

蒼雲亭 在靈石寺圍蟠桃塢石刻並朱文公

書

陳燦宅 在縣治西南開讀山

鄭伏宅 在縣治南鄭公坊

林搏宅 在靈石山九疊峯下

陵墓附

本府 閩縣侯官縣附郭

閩越王無諸墓 在嘉崇里今有祖廟亭亭後

一阜卽其墓

閩越王郢塚 在遂勝里

王餘善塚 在舊懷安寧巷里

唐丞相王搏墓 在閩山塔院之西按本傳搏

貶崖州賜死藍田驛舊志載卒於此未詳
五代梁公張睦墓 在十都赤塘山

閩王審知墓 在舊懷安蓮花山下

左司陳守約墓 在九都白泉院前山

祭酒湛溫墓 在一都祭酒嶺

光祿大夫馬浙墓 在二十四都卅峯山

宋丞相許文定將墓 在遂勝里

樞密許應龍墓 在遂勝里

侍郎鄭文肅湜墓 在城門山

宗正丞林文昭之奇墓 在一都清泉山

太師陳忠肅韓墓 在九都龍湖村

樞密林安宅墓 在三都獨松寺旁

侍郎張廡墓 睦之子在鳳坑山

通判楊宏中墓 在四都厚山

祭酒鄭穆墓 在北平里

員外郎劉若虛墓 在越城山

龍圖張翥墓 在三都馬鞍山

少卿任文薦墓 在鳳岡

龍圖陸藻墓 在敦業鄉太平里

丞相李忠定綱墓 在十九都大嘉山

丞相朱忠靖倬墓 在二都元沙山

御史黃瑀墓 朱文公熹撰墓志

知安慶府黃文肅幹墓 幹與父瑀墓俱在六都長機山

修撰陳孔碩墓 在一都前園南山

樞密黃洽墓 在一都靈光山

提刑王益祥墓 在二都蓮花峯

元布衣鍾耆德基 在遂勝里

御史韓準墓 在鳳丘山

都事藍光墓 在二都元沙山

明布衣羅泰墓 在三角池

知府林元美墓 贈尚書在樟林山

都指揮林觀墓 在合北里環山

侍讀陳叔剛墓 在西集里蔡莊山

按察司林碩墓 在合北里長灣

副使陳叔紹墓 在西集里蔡莊山

布政陳煒墓 在積善里玉水山

孝子黃恭墓 在易俗里寶月山

叅議鄧琪墓 在遂勝里橫嶼山

御史邵銅墓 在永南里湖重山

知縣高瑤墓 在秀嶺

侍郎吳復墓 在仁惠里橫嶼山

同知李廷儀墓 在斗門山

御史陳崇墓 在孝義里金雞山

知縣黃源大墓 在鼓山里黃使山

太子太保贈少保林康懿庭楊墓 在樟林山

有司營葬

通政叅議林炫墓 在蘆坑山

按察使洪順墓 在時昇里上渡山

都給事中許天錫墓 在東山

同知王介墓 在杜塢山

副使劉世揚墓 在羣鹿山

教授袁宗耀墓 在鳳池九峯山

侍郎鄭漳墓 在三都程由山有司營葬

郎中王希旦墓 在二都竹柄山

主事王昂墓 在二都五峰山

叅政王應鍾墓 在二都五峰山

副使陳子文墓 在三都戰版

太卿陳聯芳墓 在一都馬坑山有司營葬

少卿袁成能墓 在三都澗田

布政鄭雲鑒墓 在一都岳山

尚書林文恪煥墓 在芋原山有司營葬

布政陳璧墓 在桐口山

廖貞女墓 在苦參山以上屬懷安

古田縣

學士張以寧墓 在板樂山

閩清縣

博士陳祥道墓 在賀恩里白雲山

長樂縣

水部林慎思墓 在十四都

丞相鄭性之墓 在八都阮山

安撫林安上墓 在十都廉風山

尚書趙忠清汝騰墓 在縣治左隔溪祭酒里

樞密高應松墓 在五都泉元里

朝散陳容墓 在龍臺山

尚書趙以夫墓 在縣城東正統間被廢

贊善陳仲完墓 在十九都大溪山

典藉高棟墓 在二都半占山

修撰馬鐸墓 在龍臺山

僉事吳實墓 在二都龍門

修撰李騏墓 在十都龍窟